

Vaofisiri va Khasitomo va endla mphutumo lowukulu wa rimhondzo ra mhelembe leri tikaka 160kg

Tshwane, 17 Mawuwani 2021 – Vaofisiri va Khasitomo va Vukorhokeri bya Xibalo bya Afrika-Dzonga (SARS) va tekile swiphemu swa 32 swa rimhondzo ra mhelembe leri tikaka 160kg, eka ndhawu yo humesa tinhundzu ya Rivala ra Swihahampfhuka ra Misava Hinkwayo ra OR Tambo namuntlha.

Vaofisiri va Khasitomo a va ri eku endleni ka nkambelo wa tinhundzu hi ku tirhisa Yuniti ya Timbyana to Nuhetela erivaleni ra swihahampfhuka loko yin'we ya timbyana yi vhumhununule nhundzu leyi a yi kongomisiwe eMalaysia (Kuala Lumpur).

Ndhwalo wu tivisiwile tanihi "Swimilani leswi Hanyaka" no va swi ri swiphemu swa 8. Enkarhini wa nkambelo wa xivumbeko, 6 wa mabokisi lama kumiweke ma ri na switirhisiwa swa xintu, 32 wa swiphemu swa rimhondzo ra mhelembe leswi sirheleriweke hi xophutsela xo fotomela, leswi tikaka 160kg.

Xiyenge xa Mindzavisiso ya Vugevenga bya le Xiyimo xa le Henhla xa Vukorhokeri bya Maphorisa bya Afrika-Dzonga (HAWKS) xi tivisiwile hi mhaka ya nkomo lowu. Khesi ya vugevenga yi tsarisiwile na SAPS ku lavisisiwa ku ya emahlweni.

Miphutumo leyi nga hundza eORTIA yi katsile:

- Nyenyenyani 2021: khumenhungu (18) wa swiphemu swa rimhondzo ra mhelembe, leswi tikaka 63kg leswi tivisiweke tanihi '*HP Cartridges Developers*', leswi a swi rhumeriwa eMalaysia.
- N'wendzamhala 2020: khumenkombo (17) wa swiphemu swa rimhondzo ra mhelembe leswi tikaka 72.4kg leswi a swi tumbetiwile endzeni ka gizara leswi a swi rhumeriwa eMalaysia.
- Ndzhati 2020: ntsevu (6) wa swiphemu leswi tikaka 4.9kg leswi tivisiweke tanihi "Tinyawa ta Kofi", leswi a swi rhumeriwa eMalaysia.

- Mawuwani 2020: makumemumen'we (41) wa swiphemu leswi tikaka 137kg leswi tivisiweke tanihi "Vutshila" leswi a swi rhumeriwa eMalaysia ku hundza hi le Doha.



Mayelana na vuxokoxoko, tihlanganise na SarsMedia@sars.gov.za